

# تورکیا بو یوک ملت مجلسی

## ضبط

یوزاللی آلتنجی اجتماع

مندرجات

اوراق واردہ:

کوتاہیہ مجلس عمومی اعضاستندن ایکی ذاتک معاش وخرجراہلرینہ دائرہمذاکرہ

برنجی جاسہ

رئیس --- برنجی رئیس وکیلی موسی کاظم افندی حضرتلری

کاتب --- عاطف بک (قیصری)

۷ شباط ۳۳۸ صالی

حضور عالی ریاستناہیہ

المعروض

سینوبده ترسانہ نامیلہ معروف محکم بلدیہیہ ترکنہ مجلس عالی ملیجہ قرار ویریلوب تبلیغات اجرا ایتدیرلش ایدی. بو کرہ محلندن کلن جوابنامہده تشکرات لازمه ایضا ایدلمکله برابر محل معروضک یالکیز عرصہ سنک ترک اولندینی وبونک متممی اولان بنا حقیقده هیچ بزصراحت اولندینی وبوننا بلدیہیہ ترک اولنماش ایسه اطرافی قلمه دیوارلری واسکی حکومت قونانچی وپولیس وزاندارمه دائرہ لری ود کز ایله محاط اولان بو عرصہ نک دکزدن بشقہ بر محلدن ایچنہ کیریلہ میہ چکی کبی هیچ برایشه یارامیہ جنی بیلدیرلمکده و اجرای ایجابی طلب ورجا اولتقمده در. معلوم طالیلریدرکه: تاریخدن یوزسنه اول

رئیس --- جلسہ نی کشاد ایدیورم. ضبط سابق

خلاصہ سی او قونہ جق. (اوقوندی)

--- ضبط سابق حقیقده مطالعہ واریمی؟

بصری بک (قرہ سی) --- آغاج قطعیا تنک منعی

حقیقده جمیل بک طرفندن ویریلن تقریرک، بندہ کزک باغلرده کی تخریباتہ دائر ویردیکم تقریرلہ برلشدیریلرک مدافعہ ملیہ وکیلنک نظر دقتہ عرض ایدلمسنه قرار ویرلشدی. حالبوکه: یالکیز جمیل بک تقریرندن بحث ایدلمشدر. باغلرہده شامل برقرار ویرلشددر. اوصورتہ تصحیح جنی رجا ایدرم.

رئیس --- اقدام! ضبط سابق تصحیحاً قبول ایدلدی.

سینوب ترسانہ سنہ کی بنانک ده بلدیہیہ ترکنہ دائر سینوب مبعوثی شریف بک برتنی تقریری واردر.

عادی طاش و طوپراق خرج و کراسته ایله و او صرملر انشا ایدلمکده بولنان اخشاب یلکن کیلرینک کراسته لرینی محافظه ایچون یاپیلان بوبنا شمدی یه قدر هیچ بر تعمیر کورمه مش و عرصه بونجه تمتد و ایکی بچق متره اکندمه دار، صرب و چوروک کراسته ییغندن عبارت و سققتندن اکثری یرلری چوکش اولق حبیله کیره میدلرندن بیله استفاده ایدلایمیه جک و بیقلدینی تقدیرده عرصه سی تماماً اوکندن کچوب ایکی قلعه قیوسنک عمری بولنان جاده یه قلب اولنه جقدر . بوبنا، بلدییه ترک اولنورسه هم اوکندن کچن یول توسع ایدرک ایکی قلعه قیوسندن کیدن اک شرفلی برجاده میدانه کتیر یله جک و همده معروض عرصه یه مرور و عبور آنجق به جهندن واقع اوله جهندن و بویله قالدینی تقدیرده هیچ بر قیمتی حائر اولمیان معروض عرصه یه بیوک بر شرف و قیمت بخش ایده جکدر . بناء علیه؛ اولجه سینوبه تبلیغ بیوریلان امرده بوبنانک درج اولگامسی بر اثر ذهول اولدیغنک دائره عائد منجه قرار سابق وجهله تبلیغه دلالت بیورلمسنی هیئت جلیله لرندن استرجا و استرحام ایلرم . ۶ شباط سنه ۳۳۸

سینوب مبعوثی  
محمد شریف

حسین عونی بك (ارضروم) — افندم! بناداخلیمیدر دکیدر؟ بوتفسیر ماهیتنده بر مسئله در .

سلیمان سری بك (یوزغاد) افندم! سینوبده بولنان ترسانه نك بلدییه ترکی ایچون سینوب مبعوثی ارقداش لر - مزك اولجه بر تقریری واردی . مجلس عالی بونی قبول ایتدی . و قانون چیمدی . یالکز سینوب متصرفلنی وکالته برشی یازیور . دیورکه: چیقان قانونده عرصه دن بحث ایدلمش ، ابنیه ایچون بر صراحت یوقدر . ابنیه ایسه کون بکون خراب اولمقده در . و ذانآ خرابدر . بونک ایچون بکجی یه فضله مصرف ویریلور . بونک جهت عسکریه یه یازار برحالی یوقدر . بیهودیره فضله مصرف ایدلسون، بوقانون تفسیر ایدیهرک، بناده بلدییه ترک ایدلسون دیور . بویله جه هیئت و کله یه یازیور . هیئت و کیسه ده قبول ایدرک ، بر قانون تکلیف ایتمش،

اوقانون داخلیه انجمنده مذاکره ایدلمشدر . بناء علیه؛ بوتقریره لزوم یوقدر . اساساً مقصد حاصل اولمشدر . رئیس — افندم! سلیمان سری بك بکک بیانانندن اکلشایورکه : بوکا عائد بر معامه داخلیه انجمنده در دست مذاکره در . بونی ده داخلیه انجمنه تودیع ایدلم . برلکده مذاکره سنی یاپسونلر . ( موافق سسلری ) بوتمنی تقریری داخلیه انجمنه کوندرلشدر .

حیدر بك (وان) — افندم! هیئت محترمه لر ی بوندن اوچ آی اول نواحی قانوننک مذاکره سی ایچون صالی کوتنی انتخاب ایتمشدک . ایکی بچق ، اوچ آیدنبیری اوراق وارده و دیگر بر طاقم مسائل آرایه کیردی . ایجه بر زماندنبری قرق ایکی ماده سی قبول ایدلمش اولان اوقانون اوله جه قالدی . اوقانونک درجه اهمیتنی هر کس تقدیر ایتمشدر . بوندن صوکره هر صالی کونی اوقانونک مذاکره سی قبول بیورمکزی رجا ایدرم .

سلیمان سری بك (یوزغاد) — رئیس بك! معلوم عالیکنز اوچ کون اول مجلس عالی هفتنه نك ایکی کوتنی بوقانونک مذاکره سنه تخصیصه قرار ویرمشدی (قرار ویرله مشدر سسلری) قرارک حکمنی انفاذ ایتک حق ریاستدنذر .

صلاح الدین بك (مرسین) — بنده کزده بودجه ایچون عرض ایده جکم . شباطک ۶ - ۷ سی اولدینی حالده سنه نك محاسبه جدولی ویا بودجه بندیرسه کز، دیکز؛ یعنی مملکتک حال مالیهی هنوز تدقیق ایدلمه مشدر . بزم هر درلو مساعیمز دولت اداره سی خصوصنده هر درلو موفقیاتک زبده سیدر . بودجه اوزرنده چالشمق لازمدر . اونک قارشوشنده هر شی غیر وارددر . بنده کز بلافاآه وقت بودجه نك مذاکره سنه کیلمسنی اهمیتله رجا ایدرم . هیئت علیه آیلردنبری بونی بکله یور . بونک اوکنده هر شی طور بر . اوکزده کی سنه یه بیلمم، ناصل کچوروز؟ بودجه نك تأخیری غیر قابلدر . بودجه نك مذاکره سنه کیلمه سنی رجا ایدرم .

علی سروری افندی (قره حصار شرقی) — افندم حاصل اولان افکاره کوره هفتنه نك ایکی کونی یالکیز

نواحی قانونه تخصیص ایتک دوغری دکدر . برکونی  
نواحی قانونه، برکونی ده بودجه به تخصیص ایتک هسندن  
دوغری اولور . منتظماً دوام ایدلک اوزره ، هفته ده  
برکون نواحی قانونی ایچون ، دیگر برکون ده بودجه  
ایچون تخصیص ایدلم .

صالح اقدی ( ارضروم ) — رئیس بک هر حاله  
حیدر بک تکلیفی وجهله نواحی قانونی چیقارلم . بودجه  
معاملاتنه کلنجه : بو بر امر واقعدر . بو بک لزومسز  
بر مسئله در . بونی قبولی ایتکدن بشقه چاره من یوقدر .  
( اولماز سسلری ) اوله یایدیلر . ۳۳۸ ده بو حاله کیره چکدر .  
رئیس — بوی آباد — وزیر کوپری یولارینک طرق  
عمومیه میانسه ادخالی حقنده هیئت وکیله یه اولجه ارسال  
ایدیلن تقریرک موقع معامله یه قونولمه سنه دائر سینوب  
مبعوثی شریف بکک تمنی تقریری او قونو هج  
حضور عالی ریاستناهی یه

المعروض

تاریخدن بیدی ، سکز آی مقدم سینوب — بوی آباد —  
وزیر کوپری یولارینک طرق عمومیه میانسه ادخاله دائر  
مجلس عالیلرینه تقدیم ایلدیکم بر قاچ ماده لک مواد قانونیه  
لدی الحواله لایحه انجمننده آتیشلرله قبول اولنش ایکن  
معروض مواد قانونیه ، بیللمنه مقصده مبنی ایسه ، هیئت  
وکیله یه کوندربلوب امثالی وجهله اوراده کی بطا قخانه یه  
دوشمشدر . هیئت وکیله نک بو یاده هیج رضع و تقصیری  
یوقدر . بوکا متجاسر اولانلر ، بویله شیلرک اهمیتنی تقدیر  
ایده میه بکک بر طاقم کتبه در . اونک ایچون هیئت وکیله معینارنده  
بو مثللو کتبه یینی آراشیدروب بولورلر و تأدیب دخی  
ایدر لر سه ایشلرک قرطاسیه دن قور تاریلوب یولنده  
دوران ایده جکسه هیج شههم یوقدر . بناء علیه ؛ بو مثللو  
تخراته سببید ، ویرنلرک تأدیبنی هیئت مشارالهمه تبلیغات  
اجراسی و مذکور یولارک طرق عمومیه یه ادخالی هیئت  
جایله لر دن استرحام ایلرم . ۶ شباط ۳۳۸

سینوب  
محمد شریف

عثمان بک ( لازستان ) — طرق عمومیه صردسی

انشالله اویوللره کلدیکی زمان اویوللرده اولور . زره  
ادخال ایدیلورسه ایدلسون ، بوکون یایله میه حق .  
رئیس — نظر دفته آتق اوزره هیئت وکیله یه  
کونده رلم . ظن ایدرم که : بونک حقنده یایله جق بشقه  
بر مامله یوقدر .

— افندم ! بر جرمدن دولانی ایکی دفعه محکوم اولان  
عثمانجق یاز یخیلرندن محمود حقنده کی ایکنجی حکمک  
رفتنه دائر بیغا مبعوثی حمید بکک تمنی تقریری واردر .  
عدلیه انجمننه حواله ایدیورز .  
رئیس — آنقره مجلس عمومیسنک کشاد ایدلدیکنه  
دائر ولایت تذکره سی او قونو هج .

امین بک ( بروسه ) — والی مرجعسز بورایه کتعد  
یازاماز . افندم ! بودوغری برشی دکدر .

طونه لی حلمی بک ( بولی ) — اطرافدن کلن  
تلغراف او قونمورده ولایتدن کلن تذکره نیچون او قونور ؟  
بویوک ملت مجلسی ریاست جلیله سی جانب سامیسنه

مجلس عمومی ولایت دردنجی دوره انتخابیه سنک  
برنجی اجتماع سنویسنه عائد اولق اوزره مننه تعالی  
۱ شباط ۳۳۸ تاریخته مصادف چهارشنبه کونی کشاد  
ایدیلرک مذاکرانه ابتدار بو وسیله حسنیه ایله ده بحق  
کیریشدیکمز مجاهده وطنیه و مجادله مایه ده و بناء علیه  
هیئت جلیله لرینک سلامت ملک و ملت عائد مساعی و مهمات  
عالیه مشکوره سننده توفیقات الهیه یه مظهریت دعوتنک  
تکرار قلندینفی مع الاحترام عرض اولنور . افندم .

۵ شباط ۳۳۸

والی

احسان

بهری بک ( قره سی ) — مجلس نامه بیان تشکر  
ایدلسون افندم .

رئیس — قونیه مبعوثی کاظم حسنی بکک تکالیف ملیه یه  
عائد غروشلی مضبوطلر ویرلمه سی اسبابنه دائر داخلیه  
ومدافعه ملیه دن سؤال تقریری واردر . داخلیه وکلانه  
حواله ایدیورز .

— قیر شهر مبعوثی صادق بکک قیر شهر مجلس عمومی

اعضاسندن مئب بک حقتده داخلیه وکالتندن سـؤال  
تقریری وار . داخلیه وکالتنه کوندر بیوروز .

( اوو . . . . صدالری )

رئیس -- کوتاهیله مجلس عمومی اعضالردن ایکی  
ذاتک معاش وخرچراهلرینه دأثر موازنه مالیه انجمنی  
مضبطه سی واردر . اوقونه جق \*  
ریاست جلیله

ممالک مشغوله دن هجرت ایدن مأمورلره خرچراه  
ونصف معاش اعطا ایدیلکده اولدینی معلومدر . بوقیبل  
مأمورلرمیاننده کوتاهیله دن ده هجرت ایش ایکی ذات واردر  
یونر لوانک مجلس عمومی انجمن دائمیسی اعضاسندنرلر .  
آنجق مخصصات شهریه لری محلی اداره خصوصیه سنه عأبد  
اولدینی ایچون حکومتجه کندیلرینه نه خرچراه ویرلش  
نده معاش اعطا اولمشدر . رضاء لله مالیه وکالتنه  
مراجعتده « معاونت » فصلنده کی تخصیصاتک آنجق معاشاته  
ویریه بیله جکی جوابی آلم . حالبوکه : « ولایاته معاونت »  
فصلی ، ولایاتک احتیاجات متنوعه سنه قارشیلق اولوب ،  
یالکمز معاشلره « صبری ووغری وواقع دکلدردر . بو؛ ولایتلرک  
معاشاتی و مصارفدن اولان آچیق لری معاونه قاپاتمق  
مقصدیه قبول ایدلشدر . ( ولایات شورالری ) دیکمز  
( مجالس عمومیه ) بویوک ملت مجلسنک اک حقیقی برر  
شعبه سیدر . و بورالرده اعضا اولان ذوات مملکتک  
یک محترم اولادلرنددر . ناکهانی اشغال دولایسیله یالکمز  
صیرتنده کی البسه ایله چیقاریلن و مقرداری ایکی تی تجاوز  
ایتمه ین بومسلک آرقداشلریمزی سقوط خیاله اوغراتمق ،  
دها زیاده سفالنه سور وکلهمک ، ظن ایدرم که : جائز  
دکلدردر وکناهدر . بناء علیه ؛ حکومه تک قانونی معاونتلرینه  
مظهر اولان مأمورین میاننده فقط اولویتله بوایکی  
ذاتک ده معاونت فصلندن استفاده ایده بیللمسی تأمیناً کیفیتک  
موازنه مالیه انجمننجه تذکر و تفسیرینی تکلیف ایدرم

۱۵ - کانون ثانی - ۳۳۸

قره سی  
ح . بصری

موازنه مالیه انجمنی مضبطه سی

کوتاهیله نك اشغالی اوزرینه مأمورین سائر میاننده  
هجرت ایش اولوب ایوم هیج بر طرفدن یاردیم  
کورمدکلری جهته ضرورت ایچنده قالمش بولنان لوا  
انجمن دائمیسی اعضاسندن ایکی ذاتک مخصصات شهریه لری  
محلی اداره خصوصیه سنه عأبد اولمسلی حسنیله کندیلرینه  
خرچراه ویرله مش اولدینی کبی هیج اولمازسه مخصصات  
شهریه لری نك مأمورین سائر ممثلو مالیه بودجه سننده کی  
ولایاته معاونت فصلندن تسویه سی ایچون وقوعبولان  
مراجعتک ده فصل مذ کورده کی تخصیصاتک آنجق معاشاته  
ویریه بیله جکی بیانیه مالیه وکالتنجه اسعاف ایدلمدیکندن  
بجمله کیفیتک انجمننجه تفسیری طلبنی حاوی قره سی  
مبعوثی بصری بکک مربوط تقریری قرائت اولندی .

ایجابی لدی التأمل ، تقریرده محرر اولدینی وجهله  
سالف الذکر ولایاته معاونت فدی ، ولایاتک احتیاجات  
متنوعه سنه قارشیلق اولوب بوکونه قدر بوفصلدن مالیه جه  
وقوعبولان تأدیات ، معاش و مصرف تعیین و تفریق  
ایدلمکسزین ، علی الاطلاق ولایاته « معاونت » نامی تحتنده  
ویریه لره ک ، کیفیت صرف اداره خصوصیه لره خدمتک  
و مصرف نوعه کوره اجرا ایدلمکده بولندیغندن سرد  
اولنان سبب وارد کوریه له مشدر . بناء علیه ؛ ایجاب  
ضرورت و ایجاب مصلحته بناء مال و ملکنی ، اولاد  
وعیالنی ترک ایدوب حکومتک حمایه سنه التجا ایدن  
بوقیبل افراد ملتک سفالنه دوشملرینه محل قالماق اوزره  
مومی الیمه وامثالی مراجعت ایددجکلره عأبد مخصصاتک  
بو ترتیدن تسویه سی موافق کورولدیکندن مالیه وکالتنه  
تبلیغی تذکر قلمغله هیئت عمومیه عرض اولنور .

۲ شباط ۳۳۸

رئیس	مضبطه محرری	کاتب	اعضا
ساروخان	منتشا	بیله جک	قونیه
رشاد	بولنه مدی	مصطفی کال	کاظم حسنی
اعضا	اعضا	اعضا	
آنطالیه	بولی	قیرشهر	
علی وفا	شکری	یحیی غالب	

مالیه و کیلی (حسن بک) - افندم! اداره خصوصیه لره معاونت اجرائی ایچون مالیه و کالتی بودجه سنده موضوع اولان تخصیصات، انجمن مضبطه سنده ایضاح بویورولدیغی وجهه، یالکز معاشه مخصوص اولیوب معاونت، اداره خصوصیه لرك در عهده ایلدیگی بالعموم خدمتله مصارفه قابل صرف اولمق اوزره مقیددر. آنجق موضوع بحث اولان ممالک مشغوله مأمورلرینه قیاساً ممالک مشغوله مأمورلرینک معاشاتی اداره خصوصیه دن ایسه معاونت فصلندن تسویه ایلدیگی کبی مجلس عمومی اعضالرینه ویرلمکده اولان یومیه لرك دخی معاشات ماهیتده نلقیسیله ممالک مشغوله مجالس محلیه اعضالرینه ده یومیه ویرلسون دینور. بو ایکنجی قسم غیر قانونیدر، افندم (نه دن صدالر) ممالک مشغوله مأمورلرینه اداره خصوصیه دن معاونت فصلندن معاش ویریه چکی حقتده قانون تخصیص ایتشدر. بو بالذات معاشه مخصوص صدر. یومیه لر بالفعل ایفای خدمتله مقیددر. ایفا ایلمه بن خدمت مقابلنده یومیه حد ذاتنده ویریه مز. ممالک مشغوله دن اولمازسه بیله عابد اولدیغی بودجه دن ویریه مز که: عابد اولدیغی فصلندن ویریه بیلسون. مالیه و کیلی قانون دکیشمده که بو قسم معاشی اعطاده معذوردر. اگر هیئت جلیله کز بونلرکده ویرلسنی تنسیب بویورورسه کز اول بول، ممالک مشغوله مأمورلری حقتده کی قانونک تعدیلی لازم کایر.

بصری بک (قره سی) - افندم! مالیه و کیلی حسن بک افندی مع الاسف ویردیکم تقریری و موازنه انجمنک یایدیغی تفسیری ایی تدقیق بیورمه مشلدر. بزولایانده سنده، معین موسملرده اجتماع ایدن مجلس عمومی اعضالرینک آلدیغی یومیه لری موازنه عمومی دن ویره لم، دیمه یورز. میدانده بر یومیه مسئله سی قطعاً موضوع بحث دکلدر. حسن بک افندی، بونی عجبا زهدن چیقاردیلر؟ افندم! معلوم طایلریدر. ولایات شورالری تعیر ایتدیکمز و قانونی اهمیت مخصوصه ایله تعقیب و تدقیق ایتکده بولندیغمز مجلس عمومی لر، معلوم طایلریدر که، بویوک ملت مجلسنک ولایانده برر شعبه سی مقامنده در. (دکلدر سسلری) مملکتک حقیقی اولادلرندن ترکب ایدن مجلس عمومی لر

هر حالده؛ بویوک ملت مجلسنه بعض نقطه لرده شهبدر. و بز اولیله تنی ایدیورز که ولایات شورالری دها مشروع صلاحیتلره مالک اولمق صورتیله مملکتلرینک بحق اعمارینه و تنظیمه موق اولسون! افندم حسن بک افندینک بویوروقلری کبی، مجلس عمومی اعضالرینه دوام ایتدیگری مدیجه یومیه ویریلور. بو دوغریدر. فقط بنم بحث ایتدیکم ایکی ذاته مجلس عمومی اعضاسی اولدقلری ایچون یومیه ویرلسون دیمک ایسته مدم. بونلر، افندم! کوتاهی دن گلش انجمن دائمی اعضالریدر. افندیلر! ولایات مجلس عمومی لرینک حائز اولدیغی اهمیت عظیمه یی نظر اعتباره آلهرق، بوتون مجلس عمومی اعضالری ایچنده آنجق کوتاهی دن ایکی ذات آنی بر اشغال تهلکه سی اوزرینه صرتلرند کی البسه ایله آقره به التحاق ایتش اولورسه و بونلرک انجمن دائمی اعضالغی تخصصاتی اولهرق، آله جقلری پاره یی آلمق ایچون بریر بولمه نك امکانی اولمازسه و بو آدملر بو مملکتک اوز اولادلری اولدقلری حالده، او مملکتک معتبرانی بولندقلری حالده، صرف مهاجرت یوزندن سفیل، پریشان بر حاله گلش بولنورلرسه رجا ایدرم! بو آدملرک یوزینه باقایه جقمی سکز؟ افندیلر! موازنه عمومی ده «ولایات معاونت» نامنده بر فصل وارددر. بو فصل ولایات بودجه لرینک معاش و مصرفلرینه معاونت تشکیل ایتک اوزره اداره عمومی ده بودجه سنه وضع اولنشدر. بویالکز معاشه منحصردکلدر. موازنه مالیه انجمنک بحق آکلادیغی وجهه مصارف عمومی لرینه معادل اولمق اوزره بودجه یه وضع ایلمشدر. افندیلر! ایچکرده مجلس عمومی اعضالغنده بولنش بر جوق ذوات وارددر. ولایات ویرلن معاونت فصلی معاشه می ویریلور؟ یوقسه صرف مصرف می ویریلور؟ یوقسه قاریشیق اولهرق، مصارف عمومی ولایات می تخصیص اولنیور؟ بو معاونت بتون مصارفه تخصیص اولنقده در. بودجه آچیق لرینه یاردیم اولمق اوزره مصارف عمومی لرینه معاونت قیلندن ویرلمکده در. افندیلر ممالک مشغوله دن هجرت ایدن اداره عمومی ده مأمورلرینه بو مجلس نصف معاش ویرمک کبی بر لطف کوسترمک اوزره بر قانون تدوین ایتشدی. بن ممالک مشغوله مأمورلرینه معاش

برقارده شمر آچی قالسون ؟ شرف ملیسنی محافظه ایچون  
 بورایه کنلر سورونسونلرمی ؟ تا استانبولدن کنلره بول،  
 بول خرج راهلر ویرلدیکی حالده ( آلقیشلر ) بوملککتک  
 اولادینه برشی ویرمیه جکمی بز ؟ رجا ایدرم افندیلر !  
 مالیه وکیلی حسن بک — بنده کزک مطالعم صرف  
 قانونیدر . محتاج معاونت اولان شو ایکی ذات حقنده  
 هیئت جلیله کزک اتخاذ بویوره جنی قراره آمانا صدقنا .  
 فقط ؛ ایکی کیشینک احتیاجنی تأمین ایچون موضوع بر  
 قانونک خلافتنه حرکت طیمیدر که : موافق دکلدنر .  
 بصری بک ( قره سی ) — خلاف قانون دکلدنر .  
 مالیه وکیلی حسن بک — خلاف قانوندر .

بصری بک ( قره سی ) — قطعاً دکلدنر ، آکلامیورسک .  
 مالیه وکیلی حسن بک — سز آکلامیورسکز !  
 بصری بک ( قره سی ) — آکلامیورسک و آکلایه مازسک .  
 مالیه وکیلی حسن بک — آکلایه میورسک و قطعاً  
 آکلامیورسک ( کورولتیلر ) مساعدنه بویوریکز ! بنده کز معاونت  
 فصلندن پاره ویرسه مدخی بوپاره نی اداره خصوصیه کندی  
 بورجه سند قوا این موضوعه احکامنه اتباعاً یا عسی لازمکایر .  
 و معاونت فصلندن اداره خصوصیه ویره جکم پاره نی بو آدملره  
 ویرمز ، افندیلر ! ویره مز . اقدار موضوع بحث ایسه ،  
 اقدار ایچون چوق یوللر واردر ؛ آئیزده بحیه و معاونت  
 اجتماعیه بودجه سی واردر ، مالیه نک غیر ملحوظ بودجه سی  
 واردر . هیئت جلیله کز برشی تقرر ایستدیرر . اورادن  
 ویررز . یوقسه قانونی اهل ایتیمه لم دیبورم . ایکی  
 آدمک اقداری ایچون تردد یوق ، قانونی چیکنه .  
 میه لم . بشقه یوللر واردر . مسئله بوندن عبارتدر .  
 قطعاً قانون بوکا مساعد دکلدنر افندم ( کورولتیلر )  
 سلیمان سری بک ( یوزغاد ) — مذاکره نک کفایتی  
 حقنده تهریروار افندم .

توفیق رشدی بک ( متشا ) — افندم ! انجمن نامنه  
 مسئله نی ایضاح ایده میم : آرقداشلر ! بیلورسکز که : بویله  
 مشغول یرلردن کن ، فلاکترده اولان مأمورلر مزه باقی  
 اساسنی بز قبول ایتدک . یعنی بونکله ، بودولتک ایشی ایله  
 مشغول اولان آدملر بر قضایه اوغرا دینی وقت بومجلس ،

ویرلسون ، ویرله سون ! دیمه یورم او مسئله بشقه در .  
 بومأمورلر یالکز کوتاهیه دن بورایه هجرت ایتش اولان  
 ایکی ذاته نظر ، حقیقه بویوک برکیت تشکیل ایتکده در .  
 اداره خصوصیه دن تخصیصات ویریلور دیه . بویله بویوک  
 حیت سائقه سیله بورایه التجا ایتش ایکی آدمی سوروند .  
 یرمک آج براقق ، سفیل براقق موافق انصافیدر ؟  
 ( کورولتیلر ) افندیلر کوتاهیه مملکت مزک بر جزئیدر .  
 فقط بنم دائرة انتخابیه دکلدنر . ( کورولتیلر ) الله رضایی  
 ایچون دیورم و سزک انصاف کزه ، مرحتکزه براقیورم .  
 موازنه مالیه انجمنی ده قبول ایتشددر . بناء علیه قبولی  
 رجا ایدرم .

حمیل بک ( کوتاهیه ) — افندیلر بن غایت قیسه  
 سویلیه جکم . حکومت مز دشمن آئنده براقدیغمز یرلرده  
 قاله جق اولان مأمورلری مسؤل طوتیور . بناء علیه  
 بوماره تیباً و بزم جناحزه صیغینه رق ، بورایه گلش اولان  
 بو آدملری آچی براقلم ؟ سورونسونلرمی ؟ نه یا په لم ؟  
 ( کورولتیلر ) تسلمی ؟ ایتسونلر . رجا ایدرم افندیلر !  
 نه یا پسونلر ؟

بسم آتالای بک ( کوتاهیه ) — آرقداشلر الک بویوک  
 قانون ضرورتدر . ضرورتک تولید ایتدیکی احتیاجلری هیچ  
 برشی تولید ایده مز . ضرورتک قوتی اوکنده هر شی  
 انحالیدر ، آررر . بو آدملر نه ایچون اورادن چیتمشلردره  
 رجا ایدرم . آرقداشمک آکلاتدینی کبی بوراده ناموسنی ،  
 دینی محافظه ایتک اوزره طویلانان آرقداشلرک  
 جناحی آتته صیغینه مشلردر . بونلری محزون  
 ایتک موافق دکلدنر . ضرورتدر افندیلر ! صکره  
 رجا ایدرم ، بو آدملره ویره جکمز معاونت دکل ، نم  
 اوکرندیکمه ، بیلدیکمه کوره کوتاهیه محاسبه خصوصیه .  
 سنک مالیه ده اون بیک لیرادن فضله آله جنی واردر .  
 بو آله جغندن ویرسون افندیلر ! فی سبیل الله برشی ایسته .  
 میورز . حق ایسته یورز ، افندم ! صکره اوچنچی ومهم  
 بر مسئله ؛ بونلر یالکز کوتاهیه لوانی ایچون چایشمقله  
 منافع عمومیه خدمت ایتش دکلدنر ؟ افندیلر !  
 کوتاهیه بوملککتک بر جزئی دکلیدر ؟ بورایه التجا ایدن

صاحبی بر نقطه ده اشتراك ایدیورلر . اوده بو ذواته  
معاونت ایتکدر . برسی قانونه مخالفدر دیورکه بنده کزجه  
دوغرودر . شمدي بو طرزده قانونه مخالفدر ديه بو  
آدملری ده بوشکلده بر اقق دوغرو دکادر . صحیه ومعاونت  
اجتماعیه مز واردر . او فصل مخصوصدن بونتره یارديم  
ایدلسون ومسئله حل ایدلسون اقدام .

ریاست جلیله یه

مذاکره کافیدر . رأیه وضعی تکلیف ایدرم .

توقاد مبعوثی

مصطفی

رئیس — مذاکره نك كفايتی قبول ایدنلر لطفاً  
ال قالدیرسون! « مذاکره کافی کورلمشدر »  
— اقدام! اوپراتور امین بکک تقریری واردر .

ریاست جلیله یه

موضوع بحث کوتاهیله انجمن دائمی اعضا نرندن ایکی  
ذاتک صحیه ومعاونت اجتماعیه وکالتنجه اقدار لرینک تحت  
قراره آلمسنی تکلیف ایدرم .

بروسه

اوپراتور

امین

رئیس — انجمنك مضطه سی قبوله عائددر . اون  
رأیکزه عرض ایدیورم . قبول ایدنلر اللرنی قالدیرسون!  
( قبول ایدلمدی )

بصری بک ( قره سی ) — عکسنی رأیه قویکمز .  
رجا ایدرم .

رئیس — امین بکک بر تکلیفی وار . اونک رأیه وضعی صرده سی  
کلمشدر . ( اوپراتور امین بکک تقریری تکرار او قوندی )

رئیس — اقدام! بو تقریر شوایکی ذاته معاونت  
اجراسی ایچون صحیه ومعاونت اجتماعیه وکالتنه حواله سنه  
دائرتمنی تقریریدر . بو تقریری قبول ایدنلر آل قالدیرسون!  
( قبول ایدلمشدر . )

مصطفی بک ( توقاد ) — بو بویه تمادی ایدوب کیده جک .  
بوپاره سنزلقده شخصه عائد تخصیصات اولورمی ؟

رئیس — اقدام! اوچنچی شمه دن قانون اساسی  
انجمنه کلیبولی مبعوثی جلال نوری بک انتخاب ایدلمشدر .  
داخلیه انجمنه موش مبعوثی عثمان قدری بکک انتخاب

بو حکومت و بو مملکت اونلره قارشی برتساند کوسترر .  
شمدي کیتدکجه خلقچی اولان بو مجلس ، رجا ایدرم ، بو  
کبی ایکی ذات مأمور اسمنی طاشیا یوبده ، بزم کبی بر  
مجلسده اعضا اولسمیدر ؟ که : طو توب آلمسنی ایجاب ایتدیر یور .  
رجا ایدرم . یعنی بو آدملرک دوغرو دن دوغرو یه موازنه  
عمومیه مستخدملرندن اولیوبده موازنه خصوصیه مستخدم  
مینندن اولسمی بر قباحتر ؟ رجا ایدرم . بو مجلس عالی  
کندی کوچک قرداشی اولان مجلسلری دوشونمک ایله  
مکلفدر ( براوو سساری )

یوسف ضیا بک ( بتلیس ) — اقدام! بو نه مرحمت  
مسئله سیدر ، نه بو ، مملکتک احتیاجی مسئله سیدر . اصول  
مسئله سیدر . انجمن دائمی اعضا لری یومیه ایله مشروط  
دکدر ، اونلر معاش ایجاب ندر . حرب عمومیه بتلیس ده  
عین وضعیه دوشدی . بتلیس اعضا لری اوچ سنه متدباً  
معاشلرنی عین صورتله آلدیلر . و بو صورتله استانبول  
امرو یردی . بونلر تخصیصات دکدر ، دیگر مأمورین مثل بودر .  
امین بک ( ارزنجان ) — بنده کز ؛ یوسف ضیا بکه  
جواب ویرمک ایسترم . انجمن دائمی اعضا لری بر سنه  
ایچون انتخاب اولنیورلر . سنه سی کچد کدن سو کره ایکنجی  
بر انتخاب شرطدر . بناءً علیه ؛ انجمن دائمی اعضا لرینک  
مدتی ختام بولمشدر « تمدیدی جا زدر سساری » تمدیدی  
بز یا پامایز . تمدید حق دائرة انتخابیه سنده کی مجلس  
عمومینکدر . یوقسه زدوغرو دن دوغرو یه بالوکاله یا پامایز .

بصری بک ( قره سی ) — کوتاهیله نوقت اشغال ایدلمشدر ؟  
امین بک ( ارزنجان ) دوامله — کوتاهیله نك اشغالی  
نظر دفته آلمایکمز . بونلرک انجمن دائمی اعضا لقرینه  
انتخاب اولندیغی زمانی نظر دفته آلیکمز . مسئله بونلرک  
اقداری مسئله سی ایسه بونک ایچون بر مهاجرین دأرده سی  
واردر . دیگر امثالی بیکلر جه سی ناصل اقدار ایدیلیورسه ،  
ناصل اعاشه لری تأمین ایدیلیورسه عین صورتله تأمین  
ایدیله یلور . و دوغرو دن دوغرو یه مهاجرین اداره سنه  
بر تذکره یازیله یلیلر . موازنه عمومیه دن معاش ویرمک  
مالیه وکیلی بک افندی نک بیوردینی کبی دوغری دکدر .  
علی شکری بک ( طربزون ) — ایکی نقطه نظر

ایدیلکی اوچنچي شعبه دن بيلدير بيلور .

اقدم ! طرزون مبعوثي حافظ محمد بك محاكات انجمنی اعضالغنه انتخاب ايدلمشدي استعفا سنك قبولی طلب ایدیور . اونك یزینه قرار سابق وجهله فضاله رأی آلان باشقه بریسنی انتخاب ایدلم . علی سروری افندی واردرد . اگ فضله رأی آلان ، اقدم . ( موافق سسلری ) علی سروری بك ( قره حصار شرقی ) — اقدم اديكر

انجمنارده بولنیورم وظیفهم چوقدر .

رئیس — اقدم ! روشن بلك محاكات انجمنی اعضالغنه قبولی آرزو ايدنلر ال قالديرسون ! ( قبول ايدلمشدر . ) داخلیه بودجه سنه تخصیصات علاوه سنه دائر قانون واردی . اونى تکرار رأی عالیکزه وضع ایدیورم .

صالح افندی ( ارضروم ) — رئیس بك ! برشى صوراجم بو مسئله نقل صورتيله میدر ؟ یوقسه مخصصا میدر ؟

رئیس — مخصصات صورتيله در . رأی طوبلانغه باشلا مشدر قبول ايدنلر بیاض ، رد ايدنلر قرمزى ویره جكار اون بش دقیقه تنفس ايدلمك اوزره جلدیه بی تعطیل ایدیورم .

### یوزاللی آلتنجی اجتماع — ایکنجی جلسه

رئیس : برنجی رئیس وکیلی موسی کاظم افندی حضر تلى

کاتب — عاطف بك ( قیصرى )

۷ شباط ۳۸ صالى — ۳۰ ساعت سوکره

رئیس — اقدم ! جلسه بی کساد ایدیورم . داخلیه بودجه سنه تخصیصات علاوه سنه دائر اولان قانونده ایکنجی دفعه رأیه اشتراك ایدن ذوات ۱۳۵ دره ۱۱ رده قارشى ۱۲۴ رأی ایله قانون قبول ايدلمشدر . جلسه خفیه یه کچوروز .

داخلیه بودجه سنه تخصیصات علاوه سنه دائر

### قانونی قبول ايدنلر

ابراهيم جودت بك قیصرى ، مصطفى تقی افندی سیواس ، طوفان بك حکاری ، سعید بك کنگرى ، عبدالله افندی ایزمیت ، اوپراتور امین بك بروسه ، محمد روشن بك کوشخانه ، حسن فهی بك کوشخانه ، محمود صفی بك قره حصار شرقی ، مصطفى بك درسم ، حاجی سلیمان افندی از میر ، محمد عاکف بك بور دور ، عبدالله افندی بولی ، مصطفى وصفی بك توقاد ، جمال باشا اسپارطه ، احمد نوری افندی باطوم ، علی علوی بك بور دور ، راسخ افندی آنطالیه ، حاجی قریب آغا ملاطیه ، علی وفا بك آنطالیه ، توفیق رشدی بك مقله ، صدق بك ملاطیه ، حمدی نامق بك ایزمیت ، شاكر بك آنقره ، علی رضا افندی باطوم ،

درویش بك ماردین ، حسین حسینی افندی اسپارطه ، درویش بك بتلیس ، حاجی عاطف افندی آنقره ، عمر لطفی بك صاروخان ، محمد شکرى بك کوشخانه ، مصطفى بك کوشخانه ، حیدر بك وان . حاجی شکرى بك دیاربکر ، عاطف بك قیصرى ، کاظم حسینی بك قونیه ، حسین حسینی بك استانبول ، سعدالدین بك منتشا ، حمدی بك ارطغرل ، محمد صالح افندی ارضروم . عبدالحق توفیق بك درسم ، عبدالقادر کالی بك قسطنطنیه ، علی رضابك قارص ، رفعت افندی قونیه ، حسن افندی دکزلی ، حاج عارف بك استانبول ، حسن بك وان ، بهجت بك کنگرى ، علی سروری افندی قره حصار شرقی ، سلمان سرى بك یوزغاد ، سیفی بك کوتاهیه ، رؤف بك سیواس ، انور بك از میر . دوكتور رفیق بك بایزید ، حمید بك بیغا ، علی افندی ایچ ایل ، راسم بك العزیز ، حسین عونى بك ارضروم ، بك افندی قونیه ، محمد بك بیغا ، حلال بك طرزون ، راغب بك عینتاب ، علی واصف بك کنج ، حاجی فیضی بك العزیز ، حافظ ابراهیم افندی اسپارطه ، حمدی افندی دیاربکر ، نجیب بك ارطغرل ، جلال بك کنج ، یوسف ضیابك بتلیس ، مصطفى افندی سیودرک ، عبدالغی بك — یوهرک ، شریف بك سینوب ، صلاح الدین بك مرین ، تحسین بك آبدین ، محی الدین بك العزیز ، عاکف افندی باطوم ، سید حسین بك ارزنجان ، حاجی نوری افندی سمره ، حسن بصری بك قره سی ، شیخ حاجی فوزی افندی ارزنجان ، عزت بك توقاد ، محمود سعید بك موش ، خاوصی بك قسطنطنیه ، فخر الدین بك قارص ، محمد افندی آنطه ، جودت بك قیرشهر ، حاجی مصطفى افندی آنقره ، مدحت بك ماردین ، وهی بك قره سی ، رضا افندی یوزغاد ، راغب بك کوتاهیه ، شکرى افندی قره حصار صاحب ، شوکت بك بایزید ، عاطف بك بایزید ، خلیل بك ارطغرل ، امین افندی آبدین ، صبری بك قسطنطنیه ، بسم آنالای بك کوتاهیه ، فکری فائق بك کنج ، ضیاخورشید بك لازستان ، شکرى بك جانیک صادق افندی قیرشهر ، امین بك جانیک ، رسول افندی بتلیس ، زفعت بك توقاد ، قدری افندی سمره ، نجم الدین افندی سمره ، رستم بك اولتی ، دوكتور سعادت بك قسطنطنیه ، حاجی احمد افندی موش ، طونه لی حلمی بك بولی ، حق بك وان ، حق حامی بك سینوب ، حقى بك ارغنی فکری بك کنج ، خلیل ابراهیم افندی اسکیشهر ، فیکرت بك قوزان ، رفیق شوکت بك صاروخان ، همان قدری بك موش ، شوقى بك ایچ ایل ، مصطفى بك قره حصار شرقی .

— قانونی قبول ایتمیانلر —

تحسین بك مرعش ، طورسون بك چوروم ، حسینی بك بتلیس ، لطفی بك ملاطیه ، بسم بك قسطنطنیه ، وهی بك نیکده ، مصطفى صبری افندی سمره ، اسماعیل بك ارضروم ، محمود بك ارغنی ، عبدالرحمن افندی عینتاب ، زلفی بك دیاربکر .

### مستنکفلر

ممدوح بك قره حصار شرقی ، نبیل افندی قره حصار ، احمد مظهر بك استانبول .

### اوچنچي جلسه خفیدر